



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1678

Manfredi Regis Siciliae epistolæ tres.

urn:nbn:de:hbz:466:1-14688

deplorandum fratris nostri decessum mollitiem quasi subivimus muliebrem: quia dum ejus jam esset ætas provecta virtutibus, in cujus humeris curas nostras confidenter appendere poteramus, mentis æqualiter omnia mortis austeritas, flore juventutis suæ, præmativa nimis falce præsecuit, & quasi prædonis sagacitate subrepens, sic improvise, sic subito naturæ magistras manus elusit. Verùm cum ad hæc reparanda discrimina artes & opes humanæ deficiant, quæ potiùs dispositionis supernæ provisio & facti generalis æqualitas consolatur, doloris ejusdem, cujus vix de corde nostro cicatricis occiduae signa transibunt, vobis affectuosè providimus porrigendum. Nec credat unquam dilectio vestra quòd affinitatis nostræ per hoc debilitata sint fœdera, quæ in eo nobis convivente memoriter remanserunt, & in M. carissima sorore nostra superstitute consorti nobilis viri Marchionis Messanensis solidata perspicimus, & in heredes ejus partu gratifico perpetuata sentimus. Quocirca non minùs quam fratre nostro vivente de nobis puro corde confidite; & si qua sunt in regnis nostris quæ serenitatis vestræ grata sint usibus, vel affectui blandiantur, nobis exinde vota vestra exauditionem omnimodam relatuta nobis per litteras vel nuntios aperite.

MANFREDI REGIS SICILIÆ
epistola ad quendam Doctorem
Decretorum.

MANFREDVS &c. magistro N. Decretorum Doctori. Inter alia decòris insignia quibus regni nostri possessio præclara tripudiat, desideramus ibidem liberalium artium condimenta con-

crescere & literalis scientiæ munimenta florere; ut sicut regnum ipsum pacis & justitiæ complexione nunc fruitur & rerum opulentia naturaliter gloriatur, sic ejusdem incolas, quos ingeniorum nativa fœcunditas ad consilia reddit alta conspicuos, per doctrinale commercium articulus vivæ vocis efficiat utili transfusione peritos. Ad quod laudabiliter peragendum, scholis ubique per regnum particularibus interdicitis, universale studium in civitate Neapolitana consulta deliberatione præhabita providimus reformandum. De tua igitur fide & sufficientia laudabili testimonio perhibito coram nobis, te ad hujus operis participium invitamus, fidelitati tuæ præcipiendo mandantes quatenus ad civitatem ipsam docturus in scientia Decretorum, & nobis exinde placiturus, personaliter studeas te conferre, de munificentia nostræ liberalitate securus quòd præter fructum favoris & gratiæ quem à nobis propterea specialiter consequeris, consuetudines omnes & bonos usus quibus unquam temporibus felicis memoriæ Domini genitoris nostri Doctores & Scholares in studio ipso morantes uti & gaudere sunt soliti, faciemus tibi & alijs moraturis ibidem inviolabiliter observari.

Ejusdem epistola ad Iusticiarium Neapolitanum.

MANFREDVS &c. Iusticiario &c. Ad regiæ præfecturæ fastigiū providentia divina vocati, more consulti patris familias, cui debet inesse de subditis, inter sollicitudines alias nostris sensibus inhærentes continua reddimur cordis pulsatione pervigiles qualiter regnum nostrum, quod præter turbationis præteritæ tumultus innumeros non sine multis personarum nostræ laboribus, in plurium siquidem injuriam po-

pulorum, omnimoda pacis tranquillitate nunc fru-
tur & ubertate rerum vitalium naturaliter gloriatur,
prudens fulcimento virorum, per quos curæ re-
rum geruntur officia, nostris artificiosè temporibus
ampliare possimus, ut fideles regnicolæ ad artium
erudimenta famelici, per aliena, ut assolent, stu-
dia mendicare suffragia non coacti, paratam in reg-
no mensam refectionis inueniant, & tamquam do-
mesticis fulta dogmatibus eructantis ex hoc in
illud eorum promptuaria plena fluant. Ad hoc enim
nos progenitoris nostri clara prioritas laudabilibus
invitat exemplis, qui virtuosæ mentis argumento
compositus sic statuit in regni pomœrio scientiarum
virgulta concresecere ut viros ibidem in qualibet fa-
cultate peritos, non solum ut incolas filios, gratia
propriæ suavitatis imbueret, sed ad remotas & exte-
ras nationes de cisternis suis aquas effunderet la-
bijs sitibundis; sicque dum contigit in ijs causæ mu-
nimenta deficere, cœperunt causata diminui, &
tot regnum ex cultorum inopia sentire jacturas
ut impudenter rogare cogatur ab alijs quod abun-
danter solebat alijs erogare. Cupientes igitur super
hoc, paternis inhærendo vestigijs, tam prædictorum
gratam renovare memoriam quàm regnum ipsum
gratis novitatis nostræ primordijs decorare, univer-
sale studium in civitate Neapolitana, consulta nu-
per deliberatione præhabita, providimus reforman-
dum, ut civitatis locus profectio maris & terræ
fecunditate præclarus, ubi studendi congruentia
se quævis habilitant ædificata in sapientia sibi do-
mo & repletis in doctrina cellarijs, docentium
& addiscentium oculis se præbeat liberalem, ac ve-
lit mater fecunda gignat, quæ videbatur jam ex
desuetudine pariendi senescere, per doctrinale com-
mercium ad puerperium juvenescat, particularibus
scholis ubique per regnum generaliter interdictis,

H h iij

Vide Perr. de
Vineis lib 3.
epist. 11. 12.

Vide Ray-
nald. ad an.
1256. §. 33.

excepto studio medicinæ in civitate Salerni, quod exerceri nobis placet ibidem, sicut prædicti patris nostri temporibus extitit consuetum. Ad quod tam celebre quam solenne convivium magistros quolibet & scholares in qualibet facultate studentes libenter & hilariter invitamus, firmiter promittentes eisdem quod privilegia, libertates, & bonos usus, quibus unquam temporibus felicitis memoriæ Domini patris nostri uti & gaudere sunt soliti, faciemus in studio ipso morantibus tenaciter observari. Quocirca sinceritati tuæ firmiter præcipiendo mandamus quatenus sicut gratiam nostram diligis & honorem, statim præsens nostræ jussionis oraculum per civitates & loca singula jurisdictionis tuæ, ut nullus de ignorantia supradictorum materiam excusationis inveniatur, studeas publicare.

Ejusdem epistola ad quendam Castellanum.

FIDELIS noster sua nobis assertionem proposuit quod dum pridem cum hominibus de loco ad locum quendam extra ipsius terræ mœnia in festo beati Petri, cujus ibi vocabulum in die illo solenniter colebatur, accederet, casualiter accidit quod tantisper in ipsum fortuna ludente, homines ipsi jocosos, tunc solatijs resoluti, volentes memorabile aliquid festivis donare tripudijs, eundem in fontis cujusdam balneo sub novæ militiæ solennitate lavarunt, & per duos milites ab inde transeuntes, ut tyrocinij decus celebrius ageretur, procurare balneatum eundem militiæ cingulo decorari sub veste rubea & alijs gaudiorum insignijs, ipsum in terram eandem militariter & exultatione plurima reducentes; sicque, ne facti hujus novæ solennitatis beneficiorum liberalitate careret, quam

* id est, torneamenti seu hastiludij.

plures ex dictis hominibus habuit ad plura & diversa pollicita liberales. Sed quos sentijt ad verba tunc faciles, ad facta nunc reperit contumaces. Super quo, eo supplicante sibi per nostram magnificentiam in favorem militiæ provideri, devotioni tuæ præcipiendo mandamus quatinus si præmissis veritatem reperiis suffragari, ne honoris tanti mysterium, quod laudabilem habuit in sua prosecutione congressum, ludibriosis proventibus evanescat, promissiones quaslibet quas eidem. . propterea constiterit fore factas, eidem efficaciter facias observari.

LEONIS ALLATII
EPISTOLA

A D

IOANNEM MORINVM.

*Clarissimo eruditissimoque viro Ioanni Morino
Leo Allatius S. P. D.*

DICI non potest, vir præstantissime, quanta lætitia afficiar & gēstiam voluptate cūm mihi tuæ literæ perferuntur. Fit quandoque ut magnificentē me etiam inter amicos inferam. Illis enim aliquid sapere mihi videor cūm mihi Morinus (qui vir!) melioribus suis curis neglectis dignatur aliquid scribere, quo ipse melior semper evado, καὶ νεογνῶν διδασκάλῳ. Tu planè meliùs, doctrina & eruditione qua polles, dubijs, si à me proponerentur, respondisses. Vt tamen morem geram, in negotio pœnitentiæ Græcorum usum quàm brevissimè

H h iij